

DISSERTATIO INAUGURALIS JURIDICA;
SISTENS

DE

**JURISDICTIONE
CIVITATVM MVNICI-
PALIVM SAXONICARVM
QVASDAM
OBSERVATIONES,**

QVAM,

PERMITTENTE CELEBERRIMO ICTORVM
ERFFVIRTHENSIVM ORDINE

SVB PRÆSIDIO

MAGNIFICI VNIVERSITATIS RECTORIS
AC FACVLTATIS JURIDICÆ DECANI,

DN. TOBIÆ JAC. REINHARTI,

JCTI, SACRI PALAT. CÆS. COMITIS, DICTI ICTORVM ORDINIS ASSESSORIS
ET PROF. COD. PVBL. ORD. CIVITATIS STNDICI
ET CONSVLS,

PRO LICENTIA

**SVMMOS IN VTROQVE JVRE HONORES
SOLENNITER ADIPISCENDI**

DEFENDET

AVTOR ET RESPONDENS

JOAN. HENRICVS KOLBENACH,

Francohufa - Thuringus.

IN AVDITORIO ICTORVM MAJORI
DIE VII. JULII M DCC XXXIV.

ERFORDIÆ, Typis HERINGII, Acad. Typogr.

BIBLIOTHECA MAZ
ROMA



PRÆFATIO.



Non paucos, Benevole Lector, de civitatibus municipalibus earumque juri-
bus scripsisse Autores haud
infimæ fortis, notum est:
quid? quod notissimum.

Adeo ut qui Speciminis Inauguralis loco
de eadem materiâ nonnulla in medium
proferendi, mecum constituerim, actum me
agere, non inique quis dixerit; Verum enim
verò cum non eo instituto de universis Ci-
vitatum Municipalium Juribus tractatum
conscribendi, sed saltem de quorundam Sa-
xoniorum Magistratuum, præsertim earum
civitatum, quæ sunt inferioris quodammo-
do Conditionis, Jurisdictione, nonnullas ob-

fervationes per modum Dissertationis discutiendas proponendi animus sit, spem concipio, fore, ut vel leviusculum hoc specimen Benevolus Lector æqui bonique consulat, & si quæ minus recte à me dicta esse animadvertet, pro humanitate suâ vel excuset vel corrigat.

§. I.

DE Civitatum itaque municipalium vel potius earundem Magistratuum in foris saxonis Jurisdictione nonnulla in medium prolaturum juvabit, præmonuisse: Civitates municipales dici omnes, quæ non immediate Imperio, sed Principis vel alius status potestati territoriali plene sunt subiectæ. *STRUV. Jur. Publ. Prud. Cap. XXI. §. 9.* consequenter Magistratum municipale in foris Saxonis ejusmodi esse Collegium à Principe hoc fine constitutum, ut civium actiones civiles dirigat, atque Jurisdictionem in eosdem quoad causas civiles eò, quo concessa fuit modo, exercent.

§. II.

Notanter vero Magistratuum municipalium Jurisdictionem quoad objectum ad causas civium Civiles restrictam esse asserui; Nam pro certo tenendum esse arbitror, in Regulâ causarum criminalium cognitionem Magistratui municipali non Competere, adeoque à Principe, tanquam omnis Jurisdictionis fonte, non aliam

tam

tam superiorē, quin potius illam solum, quam stylo Barbaro, bassam S. in feriores dicunt, concessam videri, OBRECHT *de Jurisd.* 1b. 299. n. 304. SCIPIO GENTILIS *de Jurisd.* L. 11. Cap. 5. § 6.

§. III.

Uti vero collegium quod nominamus Magistratum municipale consistit ex Consulibus & Duumviris, quotannis mutationem subeuntibus, welche jährlich mit einander abwechseln, nobisque dicuntur Bürgermeister, Rathemeister, & Jurisdictioni concessæ præfunt, Dein ex Decurionibus seu curialibus, quos Raths Edmmerer oder Raths-Männer appellitant, redituū civitatis, Impensarum in refectionem ædificiorum publicorum rationem habentes; Ita quibusdam in locis minus apte defensores civitatis, sive Trebunos plebis, die Viertelthe, Viertelthe-Meistere, Tribunis plebis Romanis similes, Magistratui municipali adnumerare satagunt, hosce eines Ehren-Beissen Raths Viertelthe appellantes. Utrum enim Magistratui municipali fundamentum in Jure Romano ponamus, an actiones, officium & dignitatem Tribunorum nostrorum spectemus, ex utraque parte sententia nostra salva erit: Nam præter Decuriones Sive Senatores, & Duumviros, sive consules Senatū Roma & in municipiis nemo repræsentabat, uti videre licet L. 2. § 33. *Cod. de Decurionib.* Conf. LAUTERB. in *Compend. Jur. ad b. Tit.* Ex altera parte Finis & officium tribunorum, teste observantia quotidiana, consistit in eo, ut cives contra molimina Magistratas injusta defendant, rationibus ab hoc reddendis intersint, easque

defectent, conatibus ejusdem in detrimentum bonorum civitatis vergentibus contradicant, & quæ sunt reliqua, adeoque illi adversentur: Nulla vero gaudeant dignitate BERGER. *oeconom. Jur. Lib. 1. Tit. 2. §. 10. not. 4. de Stat. advent.* Et exinde hanc formo conclusionem: cujus officium ejusque finis collegio cuidam est contrarius ab eoque recedit, nec ejusdem gaudet dignitate, hujus collegii membrum non est.

§. IV.

Quibus pro instituti ratione præmissis, dispiciendum erit, quousque Jurisdictio Magistratus municipalis se extendat. Decisionem hujus Quæstionis ex Jure Civili Romano repetere si fas esset, Jurisdictio Magistratus municipalis muris urbis se finiret: Nam cum urbis appellatio muris finiatur ex Leg. 2. ff. de v. S. Jurisdictio super ea concessa iisdem finiri, necesse est. Quia vero Jure hodierno Magistratus municipales ejusque Jurisdictio a Romanis longe recesserint, paulo altiori indagine opus esse videtur. Nos, relicto quidem Jure Romano, argumento a majori ad minus ducto, eundem ponimus finem, Jurisdictionem Magistratus municipalis finiri muris urbis, utraque eos non extendi, nisi speciali Principis privilegio plus ultra concessa probetur, hæc innixi rationibus, quod 1) civitates ipsæ sine discrimine habentur in dubio Amtstädte, sive Præfecturis ratione fori subjectæ, BERGER. *oeconom. Juris Lib. IV. Tit. IV. §. 3. not. 7. ibique cit. QUILLIUM LEYSER, in dissertat. de LANDSÄSSIS thes. 45.* Quæ cum firmo talo subsistant, nullus dubito, quin affirmem, Jurisdictionem Magistratus

tui municipali concessam muros urbis non egredi, multoque majorem pro præfecturis (die Memter) militare præsumtionem, omnia extra muros urbis posita his cedi, ita ut in agris, ad urbem pertinentibus Magistratui municipali neque Jurisdictionio competat, neque confirmationes contractuum super iis initorum sibi arrogare queant, porro & 2) pro Principe, qui concessit Magistratui municipali Jurisdictionem, nam aliam non habent, militat præsumtio, quod ejus Jurisdictionio in omnes partes territorii se diffundat, cum è contrario Jurisdictionio, quæ beneficio Principis exercetur, in facto consistat, adeoque ita, nisi probata, non intelligatur, & quamvis 3) BALTHASARIS CONRADI ZAHNII *sententia in Ichnographia municipali, Cap. VIII. §. 1.* Jurisdictionem municipalem ex observantia & consuetudine æstimandam esse, affirmantis, subscribere velim, illum tamen *citat. loco* quod dicta Jurisdictionio intra mœnia & pomeria Civitatis regulariter inclusa censeatur, recte statuiffe animadverto. Id quod etiam in plurimis Civitatibus, municipalibus ita observari, ut si forte Magistratus municipalis Jurisdictionem extra mœnia extendere conetur, a Principis Præfectis ejusmodi conatibus resistatur, quotidiana Praxis satis ostendit.

§. V.

Supra §. 1. & 2. Magistratu municipali Jurisdictionem bassam sive inferiorem regulariter competere asserui, exinde, mutato nunc in Saxonia Processu injuriarum ordinario in inquisitorium summarium per MANDATUM REGIO ELECTORALE *de Anno 1712. §. 22.* Daß nach Art 1)

Arth des in denen Edchsis. Landen hergebrachten Rügen-
 Processen verfahren werden solle, oritur quæstio, an ejus-
 modi causæ injuriarum coram eo, cui competit Jurisdic-
 tio criminalis superior, an coram Magistratu municipali
 sint pertractandæ? Pro Jurisdictione alta sive superiori
 militare videtur 1) quod ad hanc pertineat Processus In-
 quisitorius in specie sic dictus CARPZOV. *qu. 107. num. 30.*
cui 2) Processus summarius inquisitorius, der Rügen-Pro-
cess, ubi tantummodo summaria obtinet Responsio, pro-
 xime accedit, licet ex sententia BERGERI in *econom. Jur.*
Lib. IV. tit. XXXIII. §. 3. not. 1. illi contradistingatur: Nam
 in Processu summario Inquisitorio exulat tantum respon-
 sio ad Articulos, in reliquis cum Inquisitorio, ubi Judex
 ex officio procedit, plane convenit, deinde 3) in EDICTO
 REGIO DE DVELLIS *de an. 1712. §. 19. & 39.* pœna inju-
 riantibus usque ad virgas, gladium & furcam præscripta,
 cujus generis pœnas ad altam Jurisdictionem pertinere,
 nemo facile inficias ibit. Contra ad fundandam in inju-
 riis Jurisdictionem bassam, quæ competit Magistratui
 municipali, facere videtur, quod 1) in allegato edicto *de*
Duellis modus procedendi quidem in injuriis sit mutatus,
 Jurisdictio autem huic vel illi competens neutiquam ab-
 lata, idque ob eam rationem, quod 2) cognitio Judici
 bassam Jurisdictionem habenti, in causis injuriarum, quæ
 procul dubio ad bassam pertinere, ademta dici posse ne-
 queat, cum in sæpius allegato EDICTO REGIO *de Duellis*
 expresse ademta non legatur, quin potius partes ratione
 impetrandæ satisfactionis judicem alias competentem,
 ihre ordentliche Richter *§. 20.* adire jubeantur.

§. VI.

Inter injurias leves & atroces, deinde delinquentes ipsos distinguendum & ex hac distinctione & modo procedendi cognitionem competentem dijudicandam esse existimo. Si injuriæ sunt atroces, corporis pœnam afflictivam adeoque inquisitionem specialem desiderantes, cognitionem huic, cui competit Jurisdictio alta seu superior, ex supra deductis adjudicandam statuo; nisi forte delinquentes ex §. 58. diff. Mandat. Reg. foro privilegiato gaudeant: Sin vero injuriæ sint leves, adeoque inquisitione speciali indignæ, harum cognitio judici, Jurisdictionem inferiorem habenti, competet, nisi delinquentes ex dicto §. 58. foro privilegiato gaudeant. Hisce suffulti rationibus, quod 1) modus quidem procedendi in injuriis per MANDAT. REG. DE DVELLIS sit mutatus, cognitio vero alias competens nemini judicum sit ablata, quin potius §. 20. & 58. ut supra monitum, cuilibet reservata, 2) olim & quidem ante promulgationem MANDATI DE DVELLIS injuriæ reales atrociores sanguinolentæ pertinebant ad Jurisdictionem superiorem BERG. æconom. Jur. Lib. III. Tit. IX. §. 13. not. 1. leviores ad basiam, ideoque harum cognitio ad eundem modum, prout cuilibet competit Jurisdictio, nisi in casibus in mandato REGIO DE DVELLIS expresse exceptis, salva persistet.

§. VII.

Ordo instituti ducit, ut dispiciamus, an Magistratui municipali competat Jurisdictio, sive potestas statuendi & cognoscendi in rebus Politicis, in *Policey & Sachen?*

B

Si

Si sententiam BERGERI in *econ. Jur. Lib. 1. Tit. 2. §. 10. not. 1.* Magistratui civitatum Provincialium rerum Politicarum curam adjudicantis, atque ad eam ordinationum & decretorum confectioem, jus statuta opificiorum curandi, ponderum & mensurarum curationem, annonæ curam & quæ sunt reliqua, adnumerantis, sequi velimus, licet nullas ad eam fundandam adjecerit rationem, ea utique Magistratui municipali attribuenda foret. Quod admitto, si à Principe talis potestas eidem sit indulta, vel per continuam vel Immemorialem possessionem acquisita. Alias vero prædicta BERGERI sententia adhuc mihi quodammodo dubia videtur. Cum enim ordinationes faciendi factasque interpretandi potestas tantummodo ejus sit, qui gaudet superioritate territorii, adeoque Principis, sive alius status imperii. VITRIAR. *Inst. Jur. Publ. Lib. III. Tit. XVII. §. 51. HORN. Cap. LII. §. 1. & 7. de Jur. super. territ. conf. & VITRIAR. Lib. III. Tit. XVII. §. 2. LAVTERB. in Comp. Jur. Lib. 1. Tit. IV. de const. Princ.* Contra Magistratus cum civitatum provincialium tum municipalium non nisi Jurisdictionem à principe concessam habeant, statuta vero opificiorum, & ordinationes mensurarum & ponderum &c. quotidianam pro diversitate temporum interpretationem sive extensivam sive restrictivam desiderent; non sine ratione concludi posse videtur, harum dationem & interpretationem Magistratui municipali in dubio attribuendam non esse.

§. VIII.

Utut vero KNIPSCHILD *Lib. II. Cap. 10. n. 83.* nec non HEIGIVS *P. I. qu. 17. n. 30.* alique contrarium, & quod civitates municipales statuta sine Principis consensu & autoritate condere possint, statuunt, quia concessa Jurisdictione, ea quoque concessa videantur, sine quibus ea exerceri nequeat *l. 2. ff. de Jurisdic. majori tamen cum fundamento ZIEGLER de Jure Majest. l. 1. c. 5. §. 16. seq. cum CARPZOV. in Processu Tit. II. Art. 2. n. 198.*
sta-

statuit : quod Magistratus municipalis Jurisdictionis, quam non nisi à Principe concessam habent, exercitium, legibus conformare, iisque morem gerere debeant. Deinde constat, quod Jurisdictione in genere concessa, ne quidem Jurisdictio superior regulariter concessa intelligatur STRUV. *Synt. Jur. Civil. Lib. 2. Tit. 1. §. 80.* multo minus itaque potestatem legistoriam seu statuta condendi, decreta & ordinationes in rebus politicis, quæ superioritate Territoriali cohæret, faciendi, simul concessam dici posse existimo.

§. IX.

Facilius equidem largior, cives inter se conventiones quasdam & pacta circa res Politicas in civitate e.g. quod ad Jus braxandi attinet, ut hic vel ille ordo in modo braxandi, venditione cerevisiæ, collectione sumtuum in refectionem domus braxatoriæ necessariorum, &c. adjecta contraventionis pœna, inire posse. Uti vero ejusmodi conventiones & pacta, si utilitati publica non adversantur, tantummodo suos tenent autores & pacificantes vi conventionis, nec alios, qui hisce pactis non consensere, obligant; Ita quas diximus conventiones legis nomine dignari, senatumque municipalem talismodi ordinationes & statuta invitis civibus proprio motu obtrudere posse, nemo facile affirmabit, præcipue si intertiti cujusdam præjudicium vergant. Nam potestatem legistoriam non habenti, & tamen Leges vel statuta conficiendi impune non paretur arg. *Leg. 20. ff. de Jurisdic. adeo ut is, qui forte quempiam invitum talismodi statutus absque auctoritate Principis conditis subijcere audeat, in pœnam illorum, qui jura Principis involant, incidat, vid. L. 1. in fin. ff. ad Leg. Jul. Majest. Conf. SCHNEIDEWIN. ad Inf. Lib. 1. Tit. 2. §. 6. de Jur. Nat. Gent. & Civil.*

§. X.

Circa jus detractus, Abzug, Geld, Nach-Steuer, si qua civitate municipali statuto aut consuetudine receptum sit, cum alias non præsumatur. REC. IMPER. de m.

1555. §. 24. oritur quaestio, utrum senatus municipali, an Praefecturae (dem Amte) competat? Si hac ex parte BERLICHII sententiam 3. *concl. §2. n. 19.* detractus Jurisdictionis altae & superioris fructum autumantis sequi fas est, res dubio caret, quod non ad magistratum municipale, sed ad Praefecturam pertineat, siquidem supra §. 2. ostensum, magistratui municipali regulariter competere tantummodo Jurisdictionem bassam: Sin vero detractus neque ad Regalia pertinet, neque ex Jurisdictione profiscitur, uti ex *cit. Rec. Imp.* quidam colligere satagunt, sed merè consuetudinarius est, uti existimat BERGER. *Oecon. Jur. Lib. 1. Tit. 2. §. 18.* dubia causa quodammodo redditur.

§. XI.

Nos neutrius sententiae subscribentes, putamus: Quod si Magistratus municipalis habeat jus detractus vel à Principe specialiter concessum, vel ex immemoriali praescriptione acquisitum, hocque, ut par erat, probato, detractus huic adjudicandus. Deficiente vero horum probatione, pro Praefecturis pronunciandum credimus, quod emolumenta, quae Jurisdictionis fructibus non adnumeranda, magis ad eum, qui summam tenet in republica potestatem, gaudetque superioritate territoriali, vel hujus nomine hanc vel illam partem mandatum exercet, pertinere praesumendum, vid. KNICHEN *de sublt. & regal. Territ. jur. Cap. 4.* quam ad eum, qui a Principe tantummodo concessam exercet Jurisdictionem, eamque inferiorem, cujus fructus non est jus detractus. 2) Jus fisci hodie refertur ad Territorialem potestatem, ut patet ex ultimis verbis *Art. 27. LEOP. & Art. 26. JOSEPH. CAPIT. & Art. 21. pr. CAPIT. CAROL. VI.* ad jus fisci autem refertur jus detraktionis CASPAR HORN. *in Jur. Publ. Cap. LXI. §. 16. de Jurib. Superiorit. Territ.* 3) Jus detractus introductum est in redhostimentum praestitae defensionis, ac in compensationem imminuti aestimii ac census annui KLOCK. *de arar. Lib. 2. Cap. 26. num. 5. defen-*

ſio autem civium & onera inde præſtanda procul dubio pertinent ad Principem, qui gaudet ſuperioritate territoriali, uti colligere licet ex *Art. XV. CAPIT. CAROL. VI. in pr.*

§. XII.

Sed quid ſi Magiſtratus municipalis forſan in poſſeſſione vel quaſi Juris detractus conſtitutus, utrum etiam in poſſeſſorio contra Principem vel ejus Præfecturam ſit manutendus? Ad negativam ut accedam, ex eo moveor, quod Poſſeſſio vel quaſi Regalium contra Principem nihil operetur, quin potius etiam in poſſeſſorio titulum a poſſeſſore probandum eſſe per ea, quæ tradit STRYCK. *Uf. mod. ff. L. 2. r. 1. §. 27. Et 28. ibique allegat.* MENOCHIVS: atque non ita pridem *d. 8. Jun. 1732.* ab Illuſtri Facultate Juridica Hallenſi pronunciatum ubi is, qui Præfecturæ Principis Jus detractus contradicebat, ad probationem tituli condemnabatur, utut quosdam actus poſſeſſorios pro ſe allegare poterat. Quam ſententiam, leutatione interpoſita non obſtante, Ampliſſ. Facultas Juridica Erfordienſis Menſe Junii hoc Anno M DCC XXXIV. confirmare non dubitavit.

§. XIII.

Superest paucis videre, an Princeps ſive Regimen ejus a Magiſtratu municipali cauſas proceſſuales coram hoc pendentes ad partium inſtantiam ob protractam vel denegatam juſticiam aliamque cauſam, qua læſum ſe quis putet, vel proprio motu avocare, & ad ſe trahere queat? Dubium movere poterat, quod, Magiſtratui municipalis ſive allodiale ſive feudalem Jurisdictionem tribuamus, ea uſusfructus ſit, uſumfructuarius autem ab eo, qui proprietatem habet, per notiſſima jura impediri non poſſe. Quia vero, utrum feudali an allodiali Titulo Jurisdictionis transferatur, ſalva ſemper & incolumis remanet ſuperioritas etiam in rebus pleno jure donatis PERERGIN. *conf. 16. n. 9. GARSIAS de Expens. cap. 12. KNICHEN. Encyclop. cap. 6. n. 27.* Præterea Dominus nunquam Ju-

risdictione penitus se exuit, sed Superioritatem sibi reservasse censetur, & exercitium tantum permittit SCHILTER. *ad Struv. 6. 18. §. HORN. Cap. LXL. §. 9. de Jur. Super. Territ. circa profana. ZIEGLER. de Jur. Majest. Lib. 1. c. 29. §. 12.* cujus verba sunt: alter ad nuntium & voluntatem concedentis habet, qui dum leges praescribit, dum causas, locum determinat, ubique potestatem a se dependere subinnuit, nec tam abdicasse se potestate ista, quam abstinere voluisse putandus est: Deinde Princeps universalem Jurisdictionem, quam SCHRADERVS *de feudis p. 10.* Majestaticam appellat, habet vi superioritatis territorialis, singulis territorii partibus insidentem & coherentem COCCEJ. *in dissert. de fund. in territ. pot. Tit. 2. §. 1.* vi cujus de personis ac rebus territorio complexis cognoscit, ideoque fundatam in omni Jurisdictione intentionem & militantem pro se juris praesumptionem habet. STEPHAN. *de Jurisdic. Lib. II. p. 1. c. 7. n. 31. seq.* ut, qui exemptionem se dicat, illud probare necesse habeat; sequitur, Principem sive Regimen ejus causas coram Magistratu municipali pendentes omnino avocare & ad se trahere posse, salva huic concessa Jurisdictione in reliquis. Quae sententia uti experientia nititur, ita ex §. 9. *ad Tit. 1. ORDINAT. PROCESS. ELECTORAL. RECOGNITAE* parum obscure corroboratur.

§. XIV.

Arragant sibi quibusdam in locis Magistratus municipales in causis coram ipsis peractis, si in rem judicatam causa abiit, ut Executioni mandanda sit, potestatem dandi praecipua executiva, binnen 14. Tagen bey Vermeidung der Execution zu bezahlen, ideoque dispiciendum venit, utrum potestas haec Magistratui municipali competat, an non? Quae quaestio ut evidentior fiat, non alienum esse putamus, praemittere, quod secundum processum Saxonicum, si reo certum quoddam debitum sive quantum solvendum sit juxta §. 5. *ad Tit. XXXIX. ordinat. Process. SAXON. ELECTOR. RECOGNITAE* executionem praecipuum executivum praecedere, & reo in termino simul indi-

indicto vel ante non parente, liquidoque ex officio constituto, in dicto Termine vel primo aut sequenti die post executio ipsa peragi debeat. Hisce præmissis, Magistratui municipali potestatem præcepta executiva emittendi prorsus denegandam esse puto. 1) quod executio ad mixtum Imperium pertineat BERGER *Oecon. Jur. Lib. IV. Tit. 3. in pr.* quò Senatus municipalis, nisi concessionem specialem Principis docere queat, in regulâ non gaudet. Neque Jurisdictionem bassam Jus exequendi simul in regulâ complecti, pro certo tenco. Licet enim LAVTERB. *Comp. Jur. Lib. 1. Tit. 1.* hoc Jurisdictioni semper coherere, & jure magistratus etiam municipalibus competere asserat, quibusdam sussultus legibus Romanis ab eodem citatis, Hæcce tamen ad statum Imperii nostri applicationem genuinam & congruentem nequaquam admittunt. Consequenter, cum privilegia contra regalia concessa strictissime sint interpretanda, hodie aliter statuendum, tantumque, præcipue quoad actus jurisdictionis excellentiores, uti executio, concessum esse puto, quantum specialiter concessum probari poterit. 2) Experientia teste & praxi Magistratus municipales regulariter non gaudent executione, ideoque præceptum executivum, quo executio in casum non factæ partitionis indicta, reo non parente, esset actus frustraneus, quem jura detestantur per vulgata, quum executionem comminatam peragere nequeant, sed rem judicatam Judici, jurisdictionem altam habenti, exequendam relinquere debeant. 3) *cit. §. 1. ordinat. Proc. Electoral. recognit. ad tit. XXXIX.* si sententia vires rei judicata obtinuit, statim requisitoriales ad exequendum dari, & tunc a Judice requisito præceptum executivum emitti jubetur, confer. B. GRIBNER *Princ. Process. Lib. 1. cap. 6. Sect. 4. de Execut. in not. lit. a.* nullo antecedente præcepto executivo Judicis executione destituti desiderato. Denique 4) cum præceptum executivum ad solvendum vel præstandum sine nullitatis vicio omitti a Judice requisito nequeat, celeritas processus moreretur, im-

impensæque cum utriusque partis incommodo citra necessitatem & utilitatem augeri necesse esset.

§. XV.

Coronidis loco adjicimus, Magistratui municipali plerumque à principe relictum esse, ut ex senatoribus sui ordinis vel è civibus consules eligant & senatores à principe confirmandos, unde enascitur quæstio, an magistratus municipalis etiam habeat jus removendi senatores sui ordinis. Attribuit quidem ZAHN in *Ichnograph. municipali cap. XVI. §. 16.* & electionem & remotionem magistratui municipali vi Jurisdictionis; suam sententiam ex *leg. 2. ff. de orig. Jur.* eliciens, licet parum sibi constans, magistratus creationem majestaticum ac regale fuisse *cir. loc. §. 17.* ipse profiteatur. Sicuti vero magistratui municipali jura majestatica & regalia tribuisse ridiculum, quum ad principem solummodo vi superioritatis territorialis pertineant; Ita Principis arbitrio etiam relictum esse dicendum, velint confirmare eos, quos sibi senatus elegit senatores, per ea, quæ tradit ZIEGLER de *Jur. Majest. Lib. 1. Cap. 29. §. 3. 4.* ideoque quos princeps post electionem confirmavit, nemo nisi princeps iterum officio exuere potest, quum nihil tam naturale sit, quam eodem genere quidve dissolvere, quo colligatum est *Leg. 35. ff. de R. J. confer. ZIEGLER cit. loc. §. 7.* Quæ cum ita sint, facile apparet, irritum quoque conatu fieri, si senatus civitatis municipalis Advocatum, officium suum indulgentia Principis exercentem, à praxi repellere vellet, quod forsân pœnam, obtentu ordinationis Processus per errorem & sine causæ justitia dictatam eidem solvere negaret.

T A N T V M.

ERRATA.

p. 5. lin. 1. superiorum, leg. sive: superiorem, ibid. lin. 14. Trebunos, leg. Tribunos, lin. 23. Roma, leg. Romæ, lin. penult. Magistratas, leg. Magistratus, p. 6, lin. 1. deficiant, leg. examinent.

